

Beth yw'r Bartneriaeth Bro Ddiogelach

Mae'r Bartneriaeth Bro Ddiogelach wedi ymrwymo i greu amgylchedd diogelach i drigolion, gweithwyr ac ymwelwyr; heb drosedd, heb anhrefn nac ofn trosedd.

Sefydlwyd y Bartneriaeth ym 1998 i alluogi asiantaethau i weithio'n well gyda'i gilydd i fynd i'r afael â throsedd ac anhrefn. Mae lleihad sylweddol mewn trosedd ac anhrefn dros y blynyddoedd diweddar yn brawf o lwyddiant y Bartneriaeth.

Mae Partneriaeth Bro Ddiogelach yn bartneriaeth o gynrychiolwyr a ddaw o'r sector statudol, y sector gwirfoddol, busnesau lleol a grwpiau cymunedol.

Mae partneriaid allweddol yn cynnwys Cyngor Bro Morgannwg, Heddlu De Cymru, Bwrdd Iechyd Prifysgol Caerdydd a'r Fro, Ymddiriedolaeth Prawf Cymru, Gwasanaethau Gwirfoddol Morgannwg a Gwasanaeth Tân De Cymru.

Beth Rydyn Ni'n ei Gwmpasu

- Ymddygiad Gwrthgymdeithasol
- Teledu cylch cyfyng
- Cydlyniant Cymunedol
- Ymgysylltu â'r Gymuned
- CONTEST
- Atal Trosedd
- Cam-drin Domestig
- Trosedd Casineb
- Trwyddedu
- Masnachwyr Twyllodrus
- Camddefnyddio Sylweddau



Working Together for Safer Communities

Safer Vale Partnership , Barry Police Station, Gladstone Road, Barry, Vale of Glamorgan, CF63 1TD

Partneriaeth Bro Ddiogelach, Gorsaf Heddlu y Bari, Heol Gladstone, Y Bari, Bro Morgannwg, CF63 1TD



safervale@south-wales.pnn.police.uk



(01446) 450200



www.safervale.co.uk



@safer_vale



Like us on Facebook

Beth yw arwyddion cam-drin domestig?

Gall trais a cham-drin domestig ddigwydd i unrhyw un, beth bynnag yw ei faint, ei ryw, neu ei gryfder, ond caiff y broblem ei hanwybyddu, ei hesgusodi neu ei gwadu'n aml. Mae hyn yn arbennig o wir pan fydd y cam-drin yn seicolegol, yn hytrach na chorfforol. Yn aml gwneir yn fach o gam-drin emosiynol, er y gall adael creithiau dwfn a pharhaol.

Sylwi a chydabod arwyddion rhybudd a symptomau trais a cham-drin domestig yw'r camau cyntaf tuag at ddod â nhw i ben. Ni ddylai unrhyw un fyw mewn ofn o'r person mae'n ei garu. Os ydych yn adnabod eich hun neu rywun rydych yn ei adnabod yn yr arwyddion rhybudd a'r disgrifiadau o gam-drin sy'n dilyn, peidiwch ag oedi cyn gofyn am help.

Beirniadaeth ddinistriol a cham-drin geiriol: gweiddi/gwawdio/cyhuddo/galw enwau/bygwith ar lafar

Tactegau rhoi pwysau: pwdu, bygwith tynnu arian yn ôl, datgysylltu'r ffôn. mynd â'r car i ffwrdd, cyflawni hunanladdiad, mynd â'r plant i ffwrdd, rhoi gwybod amdanoch chi i'r asiantaethau lles oni bai eich bod yn cydymffurfio â'i ofynion o ran magu'r plant, dweud celwyddau amdanoch chi i'ch ffrindiau a'ch teulu, dweud wrthoch chi nad oes gennych chi unrhyw ddewis o ran gwneud unrhyw benderfyniadau.

Diffyg parch: eich rhoi i lawr yn barhaus o flaen pobl eraill, peidio â gwranddo neu ymateb pan fyddwch yn siarad, torri ar draws eich galwadau ffôn, cymryd arian o'ch pwrs heb ofyn, gwrthod helpu gyda gofal plant neu waith tŷ.

Torri ymddiriedaeth: dweud celwyddau wrthoch chi, dal gwybodaeth yn ôl oddi wrthoch chi, bod yn genfigennus, cael perthnasau eraill, torri addewidion a chytundebau a rennir.

Ynysu: monitro neu flocio eich galwadau ffôn, dweud wrthoch chi ble gallwch chi a ble na allwch chi fynd, eich atal rhag gweld ffrindiau a pherthnasau.

Aflonyddu: eich dilyn, gwirio arnoch, agor eich post, gwirio dro ar ôl tro i weld pwy sydd wedi eich ffonio, codi embaras arnoch chi yn gyhoeddus.

Bygythiadau: gwneud ystumiau crac, defnyddio maint corfforol yn fygythiol, siarad drosoch chi, dinistrio eich eiddo, torri pethau, pwno walïau, bygwith gyda chylllell neu ddryll, bygwith eich lladd neu eich niweidio chi a'r plant.

Trais rhywiol: defnyddio grym, bygythiadau neu ddychrynu i'ch gorfodi i berfformio gweithredoedd rhywiol, cael rhyw gyda chi pan nad ydych chi eisiau cael rhyw, unrhyw driniaeth ddiraddiol sy'n seiliedig ar eich cyfeiriadedd rhywiol.

Trais corfforol: pwno, slapio, bwrw, brathu, cicio, tynnu gwallt, gwithio, hwpio, llosgi, tagu.

Gwadu: dweud nad yw'r cam-drin yn digwydd, dweud eich bod wedi achosi'r ymddygiad camdriniol, bod yn dyner ac yn amyneddgar yn gyhoeddus, crio a begian am faddeuant, dweud na fydd byth yn digwydd eto.



Working Together for Safer Communities

Safer Vale Partnership , Barry Police Station, Gladstone Road, Barry, Vale of Glamorgan, CF63 1TD

Partneriaeth Bro Ddiogelach, Gorsaf Heddlu y Bari, Heol Gladstone, Y Bari, Bro Morgannwg, CF63 1TD



safervale@south-wales.pnn.police.uk



(01446) 450200



www.safervale.co.uk



@safer_vale



Like us on Facebook

Proses 4 cam Ymddygiad Gwrthgymdeithasol



Mae Ymddygiad Gwrthgymdeithasol yn weithred sy'n debygol o achosi aflonyddwch, braw neu ofid. Gall gynnwys ymddygiad afreolus a meddw, iaith fygythiol ac ymosodol mewn man cyhoeddus, graffiti neu ddifrod troseddol. Mewn ffordd, mae'n unrhyw ymddygiad sy'n atal pobl eraill rhag mwynhau ansawdd bywyd derbyniol.

Mae'r Bartneriaeth yn gweithredu proses pedwar cam wrth ddelio ag achosion o ymddygiad gwrthgymdeithasol

Cam 1 Rhybudd

Cam 2 Ymweliad amlasiantaethol

Cam 3 Contract Ymddygiad Derbyniol (CYD)

Cam 4 Ystyried achosion cyfreithiol

Cam 1

Ieuenctid - Anfonir llythyr at riant/gwarcheidwad ynghylch person ifanc i roi gwybod am yr ymddygiad a adroddwyd a'r camau pellach posibl y gallir eu cymryd

Oedolion - Anfonir llythyr rhybuddio yn rhoi gwybod am y camau pellach posibl y gallir eu cymryd

Dioddefwyr – Anfonir llythyr yn cynnig cymorth

Cam 2 (Cyflwynir o fewn 6 mis i gam 1)

Bydd digwyddiadau pellach neu ddigwyddiad cychwynnol mwy difrifol yn arwain at gyfarfod â swyddogion o'r bartneriaeth. Mae'r cyfarfod hwn yn ffordd o atgyfnerthu'r neges bod ymddygiad o'r fath yn annerbyniol ac na chaiff ei oddef. Mae hefyd yn cynnig cyfle i nodi gwraidd yr ymddygiad ac, os oes angen, i gynnig cymorth i'r person er mwyn iddo newid ei ymddygiad.

Ieuenctid – Gofynnir i'r person ifanc a'r rhiant/gwarcheidwad fynychu cyfarfod lle byddant yn cael rhybudd gan aelod o'r TDC (Tîm Diogelwch Cymunedol) ac yn cael cynnig cymorth gan y Swyddog Atal o'r GTI (Gwasanaeth Troseddau Ieuenctid).

Oedolion – Ymweliad â'r cartref gan y TDC i gyflwyno'r rhybudd a chynnig cymorth.

Cam 3 (Cyflwynir o fewn 6 mis i gam 2)

Os yw'r ymddygiad yn parhau mae Cam 3 yn cael ei alw'n gam 'CYD' (Contract Ymddygiad Derbyniol), bydd y person yn cael ei wahodd i gyfarfod lle gofynnir iddo lofnodi'r CYD. Mae hyn yn ymrwymiad ganddo i newid ei ymddygiad.

Person Ifanc - cynigir Panel Datrys Cymdogaethol* (PDC) i'r person ifanc. Mae'r PDC yn cynnwys Swyddog y Bartneriaeth, Swyddog y GTI a gwirfoddolwr y GTI.

Oedolyn – Ymweliad â'r cartref gan y TDC i gyflwyno CYD, y rhybudd ag amodau ac i gynnig cymorth.

Cam 4 (Cyflwynir o fewn 6 mis i gam 3)

Dyma gam olaf y broses a'r pwynt lle bydd y bartneriaeth, ar ôl ymgynghori, yn gwneud cais am waharddeb sifil neu orchymyn ymddygiad troseddol. Mae hwn yn orchymyn a wneir yn y llys a bydd yn nodi cyfyngiadau a gwaharddiadau a newidiadau cadarnhaol i ymddygiad yr unigolyn er mwyn rheoli ac atal ymddygiad gwrthgymdeithasol. Os torrir y gorchymyn hwn bydd y mater wedyn yn symud i'r llysoedd troseddol er mwyn cymryd camau pellach.

Working Together for Safer Communities

Safer Vale Partnership , Barry Police Station, Gladstone Road, Barry, Vale of Glamorgan, CF63 1TD

Partneriaeth Bro Ddiogelach, Gorsaf Heddlu y Bari, Heol Gladstone, Y Bari, Bro Morgannwg, CF63 1TD



safervale@south-wales.pnn.police.uk



(01446) 450200



www.safervale.co.uk



@safer_vale



Like us on Facebook

Galluoedd a Phwerau Ymddygiad

Gwrthgymdeithasol

Isod mae rhai o'r pwerau/opsiynau y mae'r tîm Diogelwch Cymunedol yn eu defnyddio.

Gwaharddeb Sifil (GS)

Mae hyn ar gael yn y llys sirol i oedolion a'r llys ieuencid i bobl ifanc rhwng 10 a 17 oed. Fe'i cynlluniwyd i atal ymddygiad gwael cyn iddo waethygu. Byddai gan y waharddeb faich profi sifil, gan ei gwneud yn gyflymach ac yn haws ei chael na dulliau blaenorol. Yn achos oedolion, byddai torri'r waharddeb yn arwain at fynd i'r carchar neu gael dirwy. Yn achos pobl ifanc dan 18 oed, gellir ymdrin ag achosion o dorri'r waharddeb drwy orchymyn cyrffiw, goruchwyllo neu gadw.

Gorchmynion Ymddygiad Troseddol (GYT)

Cyhoeddir y gorchymyn hwn gan y llysoedd ar ôl collfarn, ac mae'n gwahardd unigolyn rhag gwneud gweithgareddau neu fynd i leoedd penodol a gall gynnwys gofynion cadarnhaol iddo fynd i'r afael â'i ymddygiad, er enghraifft, mynychu rhaglen triniaeth am gyffuriau. Gallai methu â chydymffurfio arwain at yr unigolyn yn cael ei anfon i'r carchar am 5 mlynedd ar y mwyaf.

Gorchymyn Cau Eiddo (GCE)

Mae'r pŵer i gau yn rym cyflym a hyblyg y gellir ei ddefnyddio i ddiogelu dioddefwyr a chymunedau drwy gau'n gyflym safleoedd sy'n achosi niwsans neu anhrefn. Daw'r grym mewn dau gam sy'n gysylltiedig yn y bôn: yr hysbysiad cau a'r gorchymyn cau. Gall y cyngor neu'r heddlu ddefnyddio'r hysbysiad cau heb fynd i'r llys. Ar ôl cyflwyno hysbysiad cau, rhaid gwneud cais i lys yr ynadon am orchymyn cau, oni bai bod yr hysbysiad cau wedi'i ganslo.

Grym Gwasgariad yr Heddlu (GGH)

Pŵer gan yr heddlu i roi cyfarwyddyd i unrhyw unigolyn sy'n ymddwyn yn wrthgymdeithasol, neu sy'n debygol o ymddwyn yn y ffordd honno, i symud o le penodol ac i atafaelu eitemau cysylltiedig. Gellir symud person o ardal am hyd at 48 awr, os awdurdodir hynny gan arolygydd yr heddlu neu swyddog uwch.

Gorchmynion Diogelu Mannau Cyhoeddus (GDMC)

Mae GDMC yn cynnig ymdrin â niwsans penodol mewn ardal benodol sy'n cael effaith niweidiol ar ansawdd bywyd y rheini yn y gymuned leol. Gall wahardd rhai pethau neu ei gwneud yn ofynnol bod rhai pethau penodol yn cael eu gwneud.

Hysbysiadau Diogelu'r Gymuned

Nod HDG yw atal ymddygiad afresymol sy'n cael effaith negyddol ar ansawdd bywyd y gymuned leol. Gall unrhyw berson 16 oed neu hŷn gael hysbysiad, boed yn unigolyn neu'n fusnes, a bydd yn ei gwneud yn ofynnol i'r ymddygiad ddod i ben ac, os oes angen, yn caniatáu cymryd camau rhesymol i sicrhau nad yw'n cael ei ailadrodd yn y dyfodol.

Sbardun Cymunedol

Mae'r Sbardun Cymunedol yn broses sy'n caniatáu i'r cyhoedd ofyn i'w Partneriaeth Diogelwch Cymunedol leol adolygu ymatebion i ddigwyddiadau o ymddygiad gwrthgymdeithasol. Cyn belled y bodlonir y meini prawf ar gyfer y Sbardun, caiff ei ymchwilio iddo.



Working Together for Safer Communities

Safer Vale Partnership, Barry Police Station, Gladstone Road, Barry, Vale of Glamorgan, CF63 1TD

Partneriaeth Bro Ddiogelach, Gorsaf Heddlu y Bari, Heol Gladstone, Y Bari, Bro Morgannwg, CF63 1TD



safervale@south-wales.pnn.police.uk



(01446) 450200



www.safervale.co.uk



@safer_vale



Like us on Facebook

Grwpiau Cymunedol

Cynllun Gwarchod Cymdogaeth



Gweledigaeth y Cynllun Gwarchod Cymdogaeth yw cael cymdeithas ofalgar, sy'n canolbwyntio ar ymddiriedaeth a pharch a lle mae pobl yn ddiogel rhag trosedd ac yn gallu mwynhau ansawdd da o fywyd. Nod y cynllun yw dod â chymdogaion ynghyd i greu cymunedau actif, cyfeillgar a chryf lle mae trosedd ac ymddygiad gwrthgymdeithasol yn llai ffafriol.

I gael rhagor o wybodaeth e-bostiwrch— VOGNHW-@outlook.com

Rural Watch

Rural Watch
Gwarchod Gwledig



Nod y Cynllun Gwarchod Cefn Gwlad yw codi ymwybyddiaeth am gymunedau gwledig mewn perthynas ag atal trosedd, lleihau cyfleoedd am droseddau mewn cymunedau gwledig a ffermio, lleihau cyfleoedd lleol am ladrad a da byw/da marw, atgyfnerthu ysbryd cymunedol, annog pobl i roi gwybod am ymddygiad amheus a chyflwyno systemau rhybuddio cynnar a llif deallus mewn ardaloedd cefn gwlad a ffermio.

Paws on Patrol



Mae Paws on Patrol yn gynllun i fagu ysbryd cymunedol lle y gall cerddwyr cŵn gyfrannu at ddiogelu eu cymdogaethau, lleihau'r cyfle am drosedd ac ymddygiad gwrthgymdeithasol a lleihau ofn trosedd, yn benodol ymhlith y rhai sy'n agored i niwed.


Rydym yn annog cerddwyr cŵn i roi gwybod am unrhyw ymddygiad amheus, tipio anghyfreithlon neu gynnuau tân bwriadol y gallech eu gweld tra byddwch allan gyda'ch ci/cŵn.

Pubwatch



Mae Pubwatch yn galluogi tafarnwyr i gymryd camau ar y cyd i wahardd pobl sy'n creu trafferth, ac mae hefyd yn hybu cysylltiadau effeithiol rhwng trwyddedigion, yr heddlu ac awdurdodau lleol. Mae'r cynllun yn helpu i wneud safleoedd trwyddedig yn fannau lle gall pobl eu mwynhau eu hunain yn ddiogel.

Airport Watch



Mae Airport Watch yn gynllun aelodaeth yn ymwneud â hedfan. Ei nod yw helpu i atal troseddau a therfysgaeth drwy ofyn i'w aelodau i fod yn wyladwrs am unrhyw beth anarferol ac i gysylltu â'r Heddlu os byddan nhw'n gweld rhywbeth amheus.

Mae'r cynllun yn gweithio drwy roi cerdyn adnabod â llun i aelodau i'w wisgo, a sticer i roi yn ffenest y car, fel bod modd i'r heddlu a thimau

diogelwch y maes awyr eu hadnabod yn hawdd.

Diben Airport Watch yw helpu i atal troseddau a therfysgaeth drwy ofyn i'w aelodau i fod yn wyladwrs am unrhyw beth anarferol ac i gysylltu â'r Heddlu os byddan nhw'n gweld rhywbeth amheus. Hefyd, i atal ac amharu ar gyfleoedd i droseddau ddigwydd o fewn perimedr y maes awyr, tiroedd y maes awyr a'r gymuned leol, cryfhau ysbryd y gymuned, gwella cyfathrebu rhwng y Grŵp Hedfan, y Maes Awyr, Heddlu De Cymru ac Asiantaethau Statudol, annog pobl i roi gwybod am ddigwyddiadau amheus wrth iddyn nhw ddigwydd, lleihau cyfleoedd lleol ar gyfer lladrad, i gyflwyno systemau rhybuddio cynnar ar dir y maes awyr, perimedr y maes awyr a'r cymunedau lleol.



Working Together for Safer Communities

Safer Vale Partnership , Barry Police Station, Gladstone Road, Barry, Vale of Glamorgan, CF63 1TD

Partneriaeth Bro Ddiogelach, Gorsaf Heddlu y Bari, Heol Gladstone, Y Bari, Bro Morgannwg, CF63 1TD

 safervale@south-wales.pnn.police.uk



(01446) 450200



www.safervale.co.uk



@safer_vale



Like us on Facebook